

**ՀԱՇՎԵՏՎՈՒԹՅՈՒՆ**  
**ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ**

**1. Անունը, ազգանունը, զբաղեցրած պաշտոնը՝**

Աիդա Միրումյան, Մակրոտնտեսական քաղաքականության վարչության փորձագետ

**2. Գործուղման վայրը և ժամկետները՝** Ավստրիայի Հանրապետություն, ք. Վիեննա, 2024 թվականի մայիսի 20-ից մայիսի 31-ը ներառյալ:

**3. Հրավիրող կողմը՝** Արժույթի միջազգային հիմնադրամ

**4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝**

Գործուղման նպատակն էր մասնակցել «Խոցելիությունների ախտորոշում» խորագրով դասընթացին, որի ընթացքում ներկայացվել են այն հայեցակարգերը և գործիքակազմը, որոնք հնարավորություն կտան վերլուծելու և գնահատելու տնտեսության արտաքին, ֆինանսական և հարկաբյուջետային հատվածների խոցելիությունները, ճգնաժամերին հակվածությունը և առկա ռիսկերը: Ներկայացված դասախոսություններն ուղեկցվել են գործնական սեմինարներով՝ քննարկված գործիքակազմի գործնական կիրառմամբ:

Ընդհանուր առմամբ, դասընթացը համապարփակ կերպով ամփոփել է խոցելիությունների և ռիսկերի գնահատման մեթոդական մոտեցումները և գործիքակազմը, որոնք հնարավորություն են տալիս առավել հիմնավոր գնահատական տալ ճգնաժամերի նկատմամբ տնտեսության դիմակայունության վերաբերյալ:

**5. Քննարկված թեմաները՝**

- Մակրոտնտեսական կայունության և ճգնաժամերի հիմնահարցեր,
- Խոցելիությունների գնահատման մոտեցումներ,
- Հարկաբյուջետային խոցելիությունների գնահատում.
  - պարտքի կայունության և սուվերեն դեֆոլտի ռիսկի գնահատում,
  - «Սուվերեն ռիսկի և պարտքի կայունության շրջանակ շուկային հասանելիություն ունեցող երկրների համար» գործիքակազմ
- Ֆինանսական խոցելիությունների գնահատում.
  - բանկային հատվածում խոցելիությունների գնահատում. միկրո և մակրո մակարդակում ռիսկերի վերլուծություն (CAMELS, FSI)
  - ֆինանսական պարբերաշրջանների գնահատման մոտեցումներ,
  - բանկային ճգնաժամերի էությունը, պատճառները, կարգավորումները,
- Արտաքին խոցելիությունների գնահատում.
  - արտաքին հաշվեկշռվածության գնահատում,
  - միջազգային պահուստների համարժեքության գնահատում,

6. Արժութային ճգնաժամերի կանխատեսման մեթոդներ. Արժութային ճգնաժամերի էությունը, արժութային շուկայի ճնշման համաթիվ, ռիսկերի կանխատեսման վեկտորական ավտոռեգրեսիվ, դիֆուզիոն մոդելներ և ազդանաշանային մոտեցում,
7. Ճգնաժամերի զարգացման ուղղությունները (մուտացիա և «վարակ») և դրանց կանխատեսումը,
8. Կլիմայի փոփոխության արդյունքում ֆինանսական կայունության ռիսկերի գնահատում:

**6. Հանդիպումները, ելույթները, բարձրացված կամ քննարկված հարցերը՝**

Դասընթացով նախատեսված դասախոսություններն ուղեկցվել են գործնական սեմինարներով՝ մշակված գործիքակազմով ներկայացված տեսական գիտելիքները գործնականում կիրառելու նպատակով: Յուրաքանչյուր գործնական աշխատանք ամփոփվում էր ստացված արդյունքների քննարկմամբ: Մասնավորապես, որպես դասընթացի ամփոփում, ներկայացվել է շնորհանդես՝ հետհամաճարակային ժամանակահատվածում Ղազախստանի Հանրապետության տնտեսության խոցելիությունների ախտորոշում: Կիրառելով ներկայացված գործիքակազմը՝ բացահայտվել են տնտեսության արտաքին, ֆինանսական և հարկաբյուջետային հատվածներում առկա խոցելիությունները, կուտակված ռիսկերը և ներկայացվել են տնտեսության դիմակայունությունը բարձրացնելուն ուղղված քաղաքականության առաջարկներ:

**7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Այդպիսիք առկա չեն:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Այդպիսիք առկա չեն:

**9. Ստորագրությունը, ամսաթիվը:**



05 հունիս, 2024թ.